



Class 499.211

No.

B28
v. 2

Presented by

H. H. BARTLETT COLLECTION
ON THE PHILIPPINES NO:

1331

CORRIDO

QÑG

bie nang queralanan ning

ARING

SALOMON

a anac ning

Profeta at Aring David.

Cadua nang Pangalimbag



LIMBAGAN

NANG

Cornelio A. Pabalán Byron.

Baculud, Capampangan.

1920

CORRIDO

ONG BIE NANG QUERALANAN NING
ARING SALOMON
 A ANAC NING
 PROFETA AT ARING DAVID.

Iniang ing Corona quea ne miputung
 qñg anac nang David pantas á Salomon
 á qñg cabiasna'na ala yang caucul
 á u-ula na datang á panaun.

Sabing miayaliua paua nğang balu na
 sablasablang nación, animal manga na
 nanu pa't minlunga itang cabiasna'na
 at qñg cayatinan ala yang capara.

Iniang y Salomon iya na ing tatalan
 balen Jerusalem, Ari neng gagalang
 ing dinas da quea minunang dáluman
 agad nang siniasat tambing inatulan.

Ating misusúlut á babaing adua
 qñg metung á bale carin pin miabe la
 ding aduang deti nan atin lang asaua
 miagnan lang mengānac canitang bucut da.

Detang ayanac da lalaqui lang adua
 milulupa no man balamu ing seria
 panudtud ding indu ampon pamagquera
 mete ya ing metung mipatanan yata.

(2)

Qñg tacut ning indu quetang asaua na
biglang pangamate nita ning anac na
linijim neng biuat yang linibe na
qñg punğul á mabie qñg mete anac na.

Iniang mayabac na ing aldo sunlag ne
queti na ne aquit mirinan qñg mete
laua'neng anac na aliua ya asque
tiu quetang metung ing anac nang tune.

Iquit neng macanian bigla yang dinurup
at itang anac na tambing na neng dimput
mitumbuca'na la ampon mipangñut
pamisamsaman da qñg anac lulutlut.

. Nğana ning babay á indu ning mabie
nanu't ing ana'cu ing quecang penaco
ibili me iti't yang quecang ayan
ita ning anac mung pete mung petanan.

Pequibat ning metung é samsaman mu ya
siping que cabucas ana'cung talaga
ing anac mung mete carin cao munta't
dalan qñg pisamban ipacutcut mu ya.

E na ca merine menaluqui caco
qñg punğul cung anac á sasamsaman mu
cabud á iquit meng mete ing anac mu
queca yang linibe, caniting ana'co.

Sabian pa case ing mua nang é ditac
nita ni nang indu á tune mengñanac
iti nang maniaquim matalic ya cauat
quinet nè qñg tundun melaplap ya-balat.

Iti nang meagat bigla yang sinumbung
 pisiag na qñg anac á Aring Salomon
 itang simsamanan mua na maragul
 paquicuana'nia rin ing anac nang punğul.

Arap nang Salomon cabud da pangaras
 minunang sinumbung menaco qñg anac
 lauan mung sugat cu ó Ari cung matas
 ini nang tundun cu milaco ya balat.

Macauli guinu qñg ana'cung dala
 sasamsama'ne pu buring cuana'na ya
 queang ipipilit nğana anac na ya
 qñg é pamamie cu queat na cu queta.

At macananung quea que pu ibie
 ing ana'cung mabie alila'neng mete
 inia sa Ari cu sucat nang bayaran
 ini nang daya cung meco qñg catauan.

Babaing pindalum nğaning pequibat na
 é cu pu lilingad queat queng tundu'na
 pasalamat ya pu ala cung sandata
 é mu sa ing queat ing depat cu quea.

Ninu pung é mimua at é saquit á lub
 á é icasugat tundu'na qñg gulut
 quinua neng ana'cu qñg cacung panudtud
 ing anac nang mete linibe ne cabud.

Ninu namang indung mibata caniti
 ing anac nang mabie aljan deng mete
 ampat pu Ari cu timbangan cang tune
 misubli ya sa pu ing ana'cung mabie.

Nanu namang dayang queang lililiuan
 quea pu migmula sablang casalanan
 ing sucat pu ata ya pa ing sisian
 qñg pamanaco na qñg pangul cung irang

Tájimi'cong adua nģaning Aring guingcas
 canining atul cu damdam co't talastas
 eagsagan ya nģeni ya ninang anac
 at miraque cayu tungalan cabislac.

Nģana ning menaco macapanusig cu
 quea ning atul-mu Aring guiguinuan cu
 binte ning babaing menģanac á tutu
 é mu ne pasagsag quea ne ibie cu.

Qñg aguiang é na cu mirin caracayan
 sarilina'na ne quea neng bucuran
 ba'cu nang é aquit queang camatayan
 qñg pangasagsag na qñg cacung arapan.

Qñg lub nang Salomon iti ing maquianac
 inia qñg pusu na mabayat at maplas
 nģeni ing atul cu ica ing cumauat
 cuanan mu ya quea at ica ing dápat.

Matula lang paua qñg cayatula'na
 ning Aring Salomon saring cabiasna'na
 queti na migmula ing pangabantug na
 ding sabla nang campung pigmulalan da ya.

Tinuqui caniti ting meaqut linto
 qñg sacup na mu rin cang Salomon reyno
 metung yang mabandi suguing Caballero
 cacuyug neng sadia niting Aring bayu.

(5)

Caballerong iti tiquis yang migsaria
qñg Aring Salomon ,dinurup migeusa
ya ing nasa na ing paturu ya sa
sabi ding animal ayup á gagála.

Binte nang Salomon ó cacaluguran
sabing pigsulit mu é mu pagaralan
uari't abalu mu yang maliarang dalan
á macapacuyad qñg bie mung ingatan.

E ya maniuala sabi nang Salomon
at piulit-ulit nang quea na sang irung
qñg pamipilit na queti ne ninayun
agad yang mebiasa qñg dit á panaun.

Iting Caballero iniang biasa na ya
qñg sabi ding ayup ampon animal pa
qñg misan á aldo qñg pamamanğa'na
ating pusa carin lalam ning lamesa.

Pusa dinina'ne niting Caballero
capiarasung carne simsam ne ning asu
pusa miniabi ya baquet sa catutu
simsam me pa rugu carneng capirasu.

Bagu bitasa na ica ing sumaua
caring ganados na á ngeni mapucsa
vaca ning guinu ta mapisti lang paua
mecad careti nan é ca misucmama.

Nğana mo ning asu iti cacu ya pa
at ding pigsulit mung mangapisting vaca
uari't mabsi na cu saca na dinan ca
ngeni danupan cu é na ca manaya.

Pang̃a-aramdam na niting Caballero
ing pamisabi ra ding pusa at asu
caministilan pin ng̃anang meng̃amanu
ing sabing iti nan abalu ding tau.

Nung peniualan cu Salomon guingcas na
sabi ding animal ali cu mebiasa
ding canacung vaca mamin mapisti la't
é cu balung dumpa ing camatayan da.

Bucas pang̃a-abac sabla cung estancia
ding angang ganados á vaca cu't tupa
cacu lang pisali q̃ng aguiang mura la
ning datang á pisti ba'lang é dasa'na.

Pisali na no pin pang̃acabucasan
pemamie nong mura ala yang tinagan
misasamsaman la ding manialing docal
nanu pa't mimin la é binang mebalam.

Maragul ya tula quea lang aligtas
á é na la disan nitang pesting miras
mayap na mu ng̃ana canacung aling̃ap
nun é cu sa biasa acung mipajamac.

Miliban mung aldo q̃ng pamamangan da
ning Caballero at queang asaua
ing pusa carin ya lalam ning lamesa
ampon itang asu cayabe nang sadia.

Macañan mu naman anti ing miralan
ita ning pusa na queang inugsianan
quetang butul-butul carelang pisimian
nita ninang asu simsam na na naman.

(7)

. Nğana nitang pusa baquet simsam me pa
capirasung butul binie ning guinu ta
bucas paŋga-abac sigurung mate ya
ica ing sumauang matdas á bituca.

Ita mung tágan da ding maquipatnugut
é mu na aguisan matdas na ca dunğus
capirasung bútul é que pa á bucud
simsam me pa rugu asung alang tarus.

Niting caballero paquiramdama'na
ning pusa at asu ing pamisabi ra
ali na na linud ing pamamanğa'na
qŋg Aring Salomon biglang minarap ya.

Migsundu cu queti Aring catutu cu
diquil qŋg sabi ra ding pusa cu't asu
bucas canung abac maustang mate cu
ing bague á iti din mu sang remedio.

Binte nang Salomon macananu caya
ala nang remedio á cacung agaua
qŋg ibabaua! cu nung menusig ca sa
é casi nğeni nan icang matimaua.

Nung é mo písali ding quecang animal
ila sa ding saclung qŋg bie mung inğatan
nğening ala na lu nanu pa ing daptan
á matbus mo sana quecang camatayan.

Ya na mu pin iti ing asabi queca
cacung caluguran nğeni nan miadia ca
pota maguing tutu ning pusa pisiag na
ya na ing sisian mu ing sabla mung sala.

Nung é ca megaral sabi ding animal
ing pangapisti ra é mu amalayan
at é mo pisali ganados mung dacal
ila sa ding saclung quecang camatayan.

Nġeni ala na cung sucat pang arapat
nung é yang bie mu ing quecang icunlas
nung menusig ca sa at cacu tinupad
é pa sa mayanġu yang bie mung inġat.

Ing pisiag ning pusa ali pin sinala
pangġa-cabucasan meanġung bie na
iti nang cabiasnan nung milalu pa la
dala'nang cautas tau easira na.

Cacung ibalayun ing pamanalese
qġng Aring Salomon ating mepaliari
macapagmulala at cauiliuili
quinutang qġng mangmang ing pantas á tune.

Ing Aring Salomon misan tinando ya
qġng Real Palacio canitang auang na
queta ning usdunġan carin la iquit na
ding dacal á pġnas ing tipa-manic la.

Qġng aniu't asque ra queang pagmulalan
pamisalubung da pġnas á gagapang
deta ning asbuc da pitutupan do nġan
ucul nang Salomon tin lang pisasabian.

Ali na acamin itang qġng ucul na
pamisalubung da mitan pa't tucnang la
nġana mong Salomon é maliari ita
nung é ing atin ping amanung gagcas da.

(9)

Qñg daralanen da linapit yang agad á gagapangan da ding mainsac á pánas quiquilinga na la at buring atuyag at nasang damdaman sabla rang yuyulat.

Pililiuasa'no aduang balugbug na quiling-quilinga'no pamaquiramdam na ting preso qñg carcel á macaquit quea carin macasilip busbus na ning tabla.

Tabla queta babo buabus ya rin ditac ning preso qñg carcel iquit ne't amalas Aring maquiramdam careta ning pánas mipagalapac ya ali na acauat.

Ing Aring Salomon maragul ing mua na preso queta lalam pepapanic na ya cabud na pangaras ing Ari quitang na nanu't meili ya saring sicana'na.

Cacung pamanğaili pequibat ning preso ó que lilibacan ing Ari cung guinu ya pu ing quetula at pigmulalan cu gagcas da ding pánas ali pu dimda'mu.

Acu maluat cu nang canacung aramdam sabi ra ding pánas pauang balu cu nğan duruñguta'na la Ari cung gagalang nung nanung gagcas da alang camalayan.

Animal at ayup paua nğang baluan mu ing pisasabian da á lalung mático saca ding mangainsac atiu qñg arap mu gagcas dang amanu ali pu balu mu

Nung macanian n̄gana canacu mu sabian
ing pisasabian da á quecang aramdā
dapot paṅacu mu 6 Aring gagalang
q̄ṅg paṅga-sucul cu cacu ca sang palual.

Ua, n̄ganing Ari ipabulus da ca
at malalagauang salesayan mu na
n̄geni pu Ari cu mulingid damdam ca
anti quening bague ing pisasabian da.

Pánas á mumuquiat carelang paṅgutang
caretang titipā nung tin la pang dásan
at nung ing lacad da sucad dang balausan
iti ing gagcas da ampon pisasabian.

Ing quitang ning Ari nanu caya ita
darala ding pánas canitang asbuc da
pulut pung panilan q̄ṅg balangcat ita
ditac na pung bina ita ning tágan da.

Ita pung dispensa ing quecatang ayan
ing canacung gagcas ba'mung paniualan
at ba'me pung aquit frascong pilulanan
nung é na mu ditac ing carelang tágan.

Canitang dispensa mine la't tinuru
balangcat bisni re't linaue ing frasco
iquit da ing pulut ditac na ping tutu
tune ing pisiag na ning mesabing preso.

Ing Aring Salomon meniuala na ya
ing pisiag ning preso tune ping tira'na
queang pisip-isip maustang talus na
ing sabi ding pánas nung baquet balu na.

Pepalual na ne pin canitang suculan
ing calulung preso minuli ne bale
dini'neng salapi maguing caupajan
qñg capangāngasan lubus yang ninabang.

Aguiang é megaral ing taung maisip
á maquicabaluán qñg tutung matulid
anti yang menundung careta ning leyes
araraig na la ding biasa at tais.

Baquet itang preso quea yang acutnan
ning Aring Salomon bantug qñg cabiasnan
itang cabalua'nang migpalamang-lamang
carina'ning pulut ding pánas ti'noman.

Pematacara'na at layun pibalac
ing capangāngasan cuyug ne ning palad
ing magpasacali nung tumud yang horas
mibili yang tapat at é ya milinsad.

Metung nemang Duque carin qñg Cayarian
ning Aring Salomon sadiang caluguran
dinacap yang pipit tiquis nang subucan
ing macabalitang lusuc nang cabiasnan.

Qñg Aring Salomon agad linapit ya
ing ayup á pipit sasacmala'na ya
oh Aring mibantug at cuyug cu nḡana
quening icutang cu é sa mimumua ca.

Ua, nḡaning Ari at queca nang sabian
nung nanung buri mung canacu icutang
nḡana ining ayup qñg gamat cu siemal
mabie ya ó mete cacu mu sabian.

Pequibat ning Ari nung cacung asabi
nanung pasalamat ing cacu mu ibie
at nung ica naman nãning caluguran
nanu ing yablas mu nung é mu ya turan.

Nãana mong Salomon metung yang condado
yang queca ibie uari't masambut cu
nãning Duque naman ing cacung ducado
nung icang sumambut yang idaun cu.

Pisiag nang Salomon cacung caluguran
guingcas mung ducado mebina yang sayang
ing pamipusta ta é na balayunan
cucutang mu cacu ya na mu ing sabian.

Pequibat ning Duque ó Aring mibantug
é mu gaganacan laus ining lub
nung asabi mu ya ing dala cung ayup
ing cacung ducado yang queca idurup.

Ula cu qng ayup á quecang darala
ing mabie ya pin mo at apate mu ya
apate mu neman at layun á bie pa
sablang caburian mu yang carasa'na.

Nung nãacu mabie ya bigla yang paten mu
at nung mete neman mabie yang paquit mu
ing canacung igcas yang casambut cu
bie't camatayan atiu qñg gamat mu.

E cu ayalilan iting cayatulan
bie na niang ayup á quecang tatalnan
qñg pangamate na macanian mu naman
ing pamaniambut cu ba'mung amalayan.

Tinutul yang Duque Ari macananu
ducado ibie que uari't masambut cu
ala pang masala quetang pigsulit mu
nung mabie ya't mete ini nang dala cu

Nanu pang buri mung ulan cu at sabian
queca pigsulit na ing camatutuanan
atiu qñg gamat mu ing queang cabiayan
at macanian mu rin queang camatayan.

Ica ing sumabi nung é yang tutu
á cacu ping tiran ing inuculan mu
nung sabian queng mabie agad yang paslan mu
lubacan mung sacmal nung mete ya n̄gacu.

Nung é mu pin sana ing pamicaluguran
sucat cung palaco bie mung in̄gatan
á qñg quecang Ari biasang manimanman
yang inucul mu nasa meng pilaitan

Qñg ban ali mu na ipilit canacu
ya ing ibie mu simbut cung ducado
á nung inia pin mo queca ya cuanan cu
queta qñg aliua é miuman daptan mu.

Ing Duque é na ya migsulit nanu man
ducado miabie ya qñg Aring gagalang
uli ning simbut ne ala yang pispatan
sucat at matulid ing queang delanan.

Ing Aring Salomon binang mabandi ya
queti nan qñg yatu ala yang capara
é la pasalese detang queang mina
carin n̄gan manibat saring cabiasna'na.

Caring cabunducan ala cang ituru
 qñg cecarinan da ding minang tutubu
 canita ning pilac tumbaga at quintu
 talus no nğang sabla at lubus nong balu.

Ding geganagana á mesabing mina
 sablasablang bungã mumuli nğan quea
 saca atin ya pang maragul á mána
 qñg Aring y David á ihpa na't matua.

Ing b'icud pa queta ing quea daratang
 atlung pulung reyno pauang bubuis la nğan
 á pemañambut na qñg pamaquipagcal
 ning Capitán Josue á bandi nang licuan.

At ing labuad naman degula'na lacuas
 mamanga Egipto malapad á ciudad
 meto Jerusalem at Israelitas
 pabuisa'nang sabla é aguiung yulat.

Condado at villa ampon pang ducado
 daca'lang é palac á é mamagcanu
 aldea at puerto ampon marquesado
 bubuis nğan ping sabla qñg Aring mayubu.

Qñg anti caniting sacdal á pibandian
 ala yang capante qñg meto sicluban
 quetang queraclan da qñg Palacio Real
 asaua't alagad sostentado la nğan.

Libu lang Doncella ding queang asaua
 at ing ba'lang metung anam lang Dama na
 at ding Dama naman tunggal-tungalan la
 carelang utusan quetang ministil da.

Ding libung deta nin tin la nḡang cocherero
at adua qṅg gulut qṅg porlon criado
ing sabla rang bilang uari't bilugan cu
lacsá la nḡang sabla at anam á libu.

Ding'criado na't campung ning Aring gagalang
á peca-alagad qṅg Palacio Real
paua lang mangatas at taung macamal
Marques la at Duque Caballerong saodal.

Guingcas cung muchacho á sinabi cu na
dinalan lang sabla ing cabilangan da
titlunan lang criado cocherero adua la
anam lang cabayu ding pacullutan da.

Muchacho ning Ari ding carelang criado
nung bilugan cu la pati na cocherero
anam no mang dalan ing bilang dang tutu
anam la ring dalan detang Caballero.

Cabayu ning Reyna nung deti yabe la
anam la ping libu ing cabilugan da
ilang calabisan qṅg pigsulit cu na
á anam á ralan uari't yabe la pa.

Ding mesabing lacsá at anam á ralan
nung yabe la pa ding anam á ralan
adua la ping lacsá ampon aduang dalan
ing cabilugan da á carelang bilang.

Bucud la qṅg bilang deta ninang mozo
detang lavandera ampon cocinero
aliuang serviente queta qṅg Palacio
qṅg Aring Salomon pauang sustentado.

Iti aldo aldo carelang cacanan
vacang papaten da lima la ping dalan
at deta ning babi macanian mu naman
cambing ampon tupa titlu titlung dalan.

At ding panasanan é la macalauc
ding manuc at asan miayaliuang ayup
ing cabilangan da é aguiung panasbuc
at detang cabayu é ro pa cayagup.

Anam á libu pin at anam á ralan
bucud ding qñg Ari ding carelang bilang
qñg Reyna't criado nung ila ding sabian
quetang aldo-aldo lima nomang dalan

Miguit atlung dalan á cavan á trigo
itang magagauang tinape't vizcocho
at ing abias naman limang dalan ustu
á gagamitan da ding criada at criado.

Culang pa at ditac siglaue cung gugul
quetang aldo-aldo gastus nang Salomon
qñg meto sicluban ala yang caucul
qñg bandi't cabiasnan é apaquimetung.

Seu'la no bandi sablasablang Ari
é la aguiung yulat sicap nang salapi
caring guintu't pilac batung sari-sari
ampon pang pedreras miayaliuang uri.

Ning Aring Salomon pi-isipisip na
pagaua yang templo á lusuc qñg ula
cari'ne ibili Arca-ng dinaquit na
ning Aring y David qñg Nieve quinua na.

Iti ing nasa na quetang queang lub
qñg aldo't bengi man é ya mipatutud
ing magauang Templo nung é miaring lubus
ala sang maramdam nanu mang calantug.

Mitulad ya sana cataua' nang Cristo
lelanga'ning Dios queang pangatau
é dapat lalaqui linto ya qñg yatu
qñg ing Templong iti mibas ya sang tutu.

Ding sablang batu na qñg carelang lápat
ininang la uari at anting é tibag
dutung á quinutud micabab lang mayap
caretang pataram é la sa mamacas.

Ing uauangisa'na ampon alimbauan
ing Virgen María queang calinisan
qñg pamanganac na menibat qñg lalang
ing pangá-Virgen na alang pangäumen.

Iti ing nasa na qñg lub na acala
mayari yang Templong buri nang pagaua
catug é maramdam é tabac man caya
at é qñg pataram mayari yang bigla.

E mipaindatun ing lub na balisa
Templong pagaua na yang ucula'na
agad yang sinaque quetang cabayu na
ing ilang at bunduc ya ing ine na.

Maragul á lugma ing cari'na dimdam
nita ning ucul na ampon pilubluban
mecabulad-bulad balus lang dinatang
ding aduang balaue á misisimbaran.

Ing metung á uaque yang quetang tuctuc na at quetang tulid na biglang mebal dug ya qñg dutung at batu ding carin tira'na ding aduang deti nan pauang mebang'la

Darala ning metung ing cuchara naman bitis ning balaue ila ding tatalan metung á balaue ya ing sasamsam atabili ne pin cuchara nang talan.

Batung sadiang bangal carin ya misaldac tambing yang misima at layun milapat ning Aring Salomon dimput nong inagad deti nan pin ngana ding cacung pigagap.

Ngeni malaus ne at é ne mabalam Templong tatangca cu maluut nang pagnasan tula ning pusu na alang pipaguiuan ding paguimbuta'na quea lang atupan.

Lingcul ne ing uaque carin ya lila'na ampon ing cuchara bulsa nang casaca lilung da ding dutung agad migcubli ya pablasang ing aldo mapaling aslag na.

Qñg pu'na ning dutung anti yang migquera ing pali ning aldo payaplaca'na sa degula'na pagal é na acalinga balaue quingua no ing uaque't cuchara.

Tudtud nang Salomon mebinang maniaman balaue quinua no ing cuchara't uaque iniang miguisang ya ala nang mitagan canitang bulsa na maragul ya lumbe.

Ing queang inucul sinulud qñg lub na
deta é la quea qñg Dios talaga
at nung inia nğana ing mepanaco la
mecad qñg atin ping aliuang dina'na.

Ing mayap nğeni nan á canacung daptan
ing papagbandu cu qñg cacung cayarian
ding angang maestro qñg sibabalayan
dumurup lang sabla qñg cacung arapan.

Nung ninu carela ing queti magsundu
qñg uaque't cuchara mirinan á tau
iya ing maraclut á maguing maestro
mag-pun caring sabla qñg magauang Templo.

Tinipa ing bandu malaguang linacad
at qñg meto reino piniaus dang agad
ding sablang maestro muli la qñg ciudad
magcamit yang dua ing é queti tupad.

Nanan cung pacaban ing pamagsulit cu
ucul nang Salomon pagaua qñg Templo
inaus no diñg maldang pauang carpintero
ding meto Israel anga na Egipto.

Iniang datang no nğan sabian pa ing inge
ali ea miramdám quilub na ning corte
libu lang mausta cabo't sobrestante
adua no mang libu detang faginante.

At lima lang dalan ding piling maestro
menibat migmula qñg mialiuang reino
quitang nang Salomon nung ninu quecayu
ing maca-otorga Templong pagaua cu.

Ing cacung caburian ampon acala pa
qñg magauang Templo agad mayari ya
malabra lang batu dutung macutud la
caretang pataram é sa dumalan la.

Angang mayari ya alang imic dit man
nanu mang calantug ala sang maramdam
ing dápat caniti cumit ya't numabang
subali qñg upa ting premiu nang camtan.

Sablang atiu carin metung man pin ala
tangap quetang Templong dumalan qñg mala
ninu man quecami ala pung magcusa
tungcul dapat Dios alang macagaua.

Pisiag nang Salomon nung macanian ngana
murung na co pamu qñg ba'cong painaua
ding aliuang datang patnubayan ta la
at magcang careti ting maca-otorga.

Atin pin mong metung á tauuli caring lat
balayan Israel á carin menibat
ing laguiu na Abner qñg queang panlacad
pigcalub ning Dios ing mayap á palad.

Bayu ya pin meco memun ya iti nan
quetang asaua na sinta nang Caynan
binte ning babay ó esposong irang
ti'cu tibabayat saca mu cu lacuan.

Panayan mu na sa ing aldo at horas
ing piraramdam cung cacung pamanganac
nung iqueng mi-indu mayala queng palad
é tana miuman pang miquit at miarap.

Pequibat nang Abner sinta cung asaua
ilaco mung sindac é sa malumbe ca
iti é cu cusa qñg Dios talaga
canacung usigan ing buri ning banua.

Ali mapaliari lacad cu iliban
utus nang Salomon mebinang marapal
baquet ding abe cu mecad ati'no nğan
acu namung dili ing ali dinatang.

Mibata ca bandi pauian mung lungcut mu
uling é aliban ing cacung panlaco
mamu'na cu sinta mamun cu quecao
Dios malacuan ya't musu neman cacu.

Nğana mong Caynan ing Guinu tang Dios
ing mantabe queca asaua cung irug
sabian pa case maragul dang lungcut
mamaco't lalacuan maibug lang mapuput.

Abner belayu'na ita ning pacsa na
manalangin ya pin cabang lalacad ya
qñg Guinu tang Dios ya ing yayadua'na
qñg pisi't cuchara sucut paniali na.

Pablasa qñg adua ing queang cabaluan
ing carpinteru ya at canteru neman
uli ning luca na alang cualtang simpan
culang yang paniali caring casangcapan.

Caculangān á iti cayang pānamdaman
marine yang bina nung cari'ne datang
iti nang malungcut tiliran deng biglan
ding aduang balaue á misisimbaran.

Qñg tuctuc ning metung uaque yang dala na
macaba ya't mainsac pisi ing cabas na
at ing metung naman cuchara ya moa
á sasacmalan da deta ning bitis na.

Misasamsaman la ding aduang deti nan
caretang carelang bitbit dang daralan
mesabing balaue qñg pamisimbaran
uaque at cuchara mebaldug lang biglan.

Malapit cang Abner quetang queang arap
uaque at cuchara carin la mebalag
ing batu at dutung bigla lang mebislac
á inagpa'ning uaque alang liuagliuag.

Cucharang mebaldug qñg batung mebangal
pamicauani na misimang agaran
ing tula nang Abner é suçat sabian
ya ing dapat na dimput nong marapal.

Pamasalamat na é mapupuspupus
quetang masaplalang lugud na ning Dios
ing lub na mesaya milaco ya lungcut
quebabalaus na qñg reynu ya linub.

Isubli cung sabi canitang babay
asaua nang Abner á magdili-dili
mepilan mung aldo mengānac ya iti
punğul yang masanting á cauili-uili.

Punğul á mesabi pepabiñag na ya
ning calulung indung miculaput lasa
ing bansag na Justo ing pemalaguii na
nitang Sacerdote á pidurupa'na.

Mitmung casaqitan lasang é mu ditac
acaguisiŋa'na cang indu nang liag
nung mangan ya ngeni sumala ya bucas
ing pamagpalimus ing queang panaplac.

Ing calulung punŋul nung sumpung ya danup
ala yang asusu cang indu nang irug
tumanŋis ne queta at mabmung mapuput
ninu mang macaquit sucat yang lumunus.

Iniang dagul na ya mapila'neng banua
ing anac á Justo canitang edad na
quinua ne ning metung malugud á mapia
at pepagaral neng linub qŋg escuela.

Pablasang talaga ning Guinung miglalang
é binang melambat at mebiasa ne man
itang maestru na ing tula na sacdal
qng catni na buntuc tunud nang magaral.

Qŋg lugud ning Dios caniti nang Justo
belaus neng linub nitang mapiang tau
caring mituturu matas á estudio
paua na't arasan itang Sacerdocio.

Canacung isubli canitang ibpa na
qŋg Aring Salomon tambing minarap ya
caniti nang Abner inagad quitang na
nung nanuug oficio balu nang talaga.

Pequibat nang Abner adua ing cabaluan
carpinteru cu pu at canteru namau
pigcalub ning Dios canacung acalman
nanu mang gauan cu ala pung maramdam.

Ya pin mo n̄gana ing buri't pigagap
anti ing baluan mung caibat mu pang pisiag
é casi salamat menaquit cung agad
ica ing gauan cung maestru ra ding lat.

Ica ing magpun ding sablang maestro
caring limang dalan atiu n̄gening tau
ding caudillo naman apulu lang libu
at adua lang dалан á libung obrero.

Batung pauang jaspe cuanan la q̄ng bunduc
ding aliuang batu é la paquilauc
isangcap á dutung ébano at cedros
caring aliuang reyno manibat la cabud.

Ing Ari q̄ng Uphir at q̄ng Lacedonia
ilang otorgante á queti parala
isaque rong navio iras do't isáca
q̄ng puerto ning Jope carin pacua mu la.

Ing mesabing Templo pigmulan deng agad
é pin mararamdam ing cutug at tabac
dégula'ning obra bayu re asadsad
atlung pulu't atlu á banuang mayatyat.

Iniang mayari ne itang maulang Templo
é la mecaramdam q̄ng cutug ding tau
banuang pangayari atlung pulu't atlu
miuangis mitulad q̄ng edad nang Cristo.

Ing pangayari na macapatingangas
alang casingpara queti meto labuad
ing lualas na't dagul ing catasa'na lacuas
caunan-unan ya caring maravillas.

Ita ning qñg pasbul anting maravilla
mumunang meyaus canitang minuna
qñg cayap na't santing qñg' pangagaua na
queting meto yatu ala yang capara.

At ing pibandian á carin misangcap
á guintu at pilac ampon pang pedreras
queti qñg masala alang lunto mecad
Aring anti ita qñg bandi misadsad.

Ing mearing Templo atin yang cruzada
adua lang pórtico pauang milulupa
lalung mecasanting libutad na nita
metung á simborio carin telacad da.

Ing simboriong iti malualas ya't matas
daca'lang auang na cristales la nğang lat
libutad Bulan yang guintung sari quislap
casusun á metung linapad á pilac

Saca re pinintan anting Banuang lauit
detang meguing batuin guintu lang pinitpit
macayayama la qñg matang macaquit
itang Gloriang matas ing queang cauangis.

Carin ya mibitin metung á lampara
á binang masanting á tune tumbaga
pitung candelero macapatulug la
á maquicandilang é na papatdan da.

Ding aduang pórtico macanian la naman
maquilampara la't candilang selaingan
á mipauang pilac saria rong depatan
milulupa la pin tune mititimbang.

Bilang da ding altar ualung pulu't atlu
manibat qñg lele qñg siduan tumuru
qñg mingatbang pánig nitang maulang Templo
macalantang no man ding lamesang puru.

Ing pangabili ra anting salit-salit
mitiapat á pulu ing mingatbang pánig
qñg guintu at pilac lamesang matingquis
pauang realzado sabla rang labores.

Ding pórticong adua tungalan la naman
á peca-buntuc na ning lamesang bingcal
ala lang capara pauang guintu la nğan
maqui-cuadrü noman á tungaltungalan.

Mesabing lamesa ualung pulu't adua
bina lang mibague qñg pangabili ra
telaga ro carin ilang pibilian da
qñg bie nang Cristo maguing laraua'na.

Tatagulali ne ing pórticong uanan
ning Aring Salomon quea yang pibilian
Arca Testamento á sari camalan
á dinaquit na pa ibpa nang gagalang.

Itang laguiung Arca ing bansag na layun
at meyaus ya pin á Santa Sanctorum
tune macabaua! ninu mang taluntun
nung é mu ding Pari á carin cucumcum.

Inia mirinan ya á pórticong adua
á minanga babo guintung barandilla
ba'rong é dalanan ampon é tucluan pa
deta ning seglares á é pin Pari ra.

Mesabing pórtico ila ding pibilian
 caring incensario't vasong casangcápan.
 qñg aping miabie á pigagamitan
 quetang sacrificio, ibat Banuang sacdal.

Deta ning lamesa at aduang pórtico
 tin la nğang tialimang guintung candelero
 pacasindi no man qñg bengi't qñg aldo!
 á tatanuran da ding bante á tau.

Qñg pórticong caili á canacung bingcal
 atigg macabili quetang calibudtan
 itang misnang dagul metung á panastan
 milulan á danum dinalan tapayan.

Mesabing panastan uagas yang tumbaga
 labing aduang leon ila ding magdala
 macanian mu naman mitititlunan la
 qñg apat nang suluc qñg pamamusan da.

Deta ning lupa ra carin la babatio
 qñg apat nang daque niting moto yatu
 mi-alimbaua la Apostol nang Cristo
 á pasipanaral quetang Evangelio.

Danum ning bautismo carin miarlayan
 á meguing lama'na mesabing panastan
 qñg pamanaral da ing carelang dalan
 sablang Apostoles qñg moto sicluban.

Tatalaga ra pin ing danum á ita .
 Pontificeng Padre nğening mayari ya
 caretang Cordero pamacamate na
 qñg Dios á Ibpa qñg pamañau'na.

Nģening mayari na ing sacrificiong mal
yang panluglug na danum ning panastan
daya na qņg gamat cari'na pin uasan
pabanuang mayatiat bayu ra alilan.

Nģeni nung miras na ita ning pabanua
ing mesabing danum tambing alila'na
visperas ning pascu canita tipa ya
ing metung á Angel agad labuga'na.

Nung inia daca'la ding carin magtangas
canitang piscina probáticang bansag
ninu man ing muna quetang danum manuas
aguiang nang saquit na agad yang cumayap.

Quea ya pang disan ing piscinang ita
ning Guinung y Cristo qņg pangatau na
cari'ne pin iquit ampon atupan pa
ing metung á lumpu ali miquimut na.

Carin ya mánaya melambat nang aldo
á paquiunan da pablasang qņg lumpu,
iquit ne't sebianan ning Guinung y Cristo
pusanan meng dáse muli ca bale mu.

Pequibat ning lumpu é cu pu milacad
qņg cacu yutus mu é cu pu arapat
ngana mo ning Guinu ticdo na cang agad
qņg pisiag cu queca malagua cang tupad.

Mecalacad ne pin at quinayap dagli
ing calulung lumpu bale na minuli
ya na ing balican at carin isubli
Templu nang Salomon queang pangayari.

Ita ning pader na pauang quelupcupan
ing dāne na quilub qñg guintung dalise
realzadong sabla sucat pagmulalan
ninu mang macaquit pilit ya ping masdan.

Itang altar mayor bili ning retablo
bibu nğan ping guintu labor realzado
qñg babo na nita metung nemang trono
ing santing na sacdal mibague yang tutu.

Ting metung á lugal catula-tula ya
cuadradong buclátan pagtingangasan ya
carin ya mibili mal á laraua'na
ning Guinung miglalang qñg yatu at banua.

Ing quine ra carin qñg Tronong catasan.
atin yang malualas maragul á auang
guintu yang dalise tacap na niti nan
diamanti yang aldo ing tutuqui naman.

Camitang lalam na sinabi cung Trono
á pecabitis na maulagang cuadro
carin ya mibili metung á carbungco
á macapasála quilub na ning Templo.

Qñg cuadro calat la sarisaring tampuc
caretang diamante rubí at záfiros
at aliuang batu á calugudlugud
pagmulalan da ya ninu mang dumurup.

Pasbul na at auang qñg Templo misangcap
paua nğan dalise pinitpit á pilac
metung nang casusun nung yang mibuclat
daca á salamin ila namang cunlas.

Itang puerta mayor macayaliua ya
tacap nang mibili dalise tumbaga
canitang babo na metung yang aguila
macabuclat la deta ning paepac na.

Meto nang catauan bibu nğan ping pilac
Corona na guintu at batung quiquislap
arapa'ning Templo ing sucad na tapat
dagul ning aguila pauang linaganap.

E cu na nğan igcas sabla nang cayapan
ba'lang é manical babasa't daramdam
ing mearing Templo binang pagmulalan
ding sablang mecaquit migtingangas la nğan.

Itang Reyna Saba misdan ing queang lub
iniang pigsaria'ne at carin ya linub
ala pin mo nğana qñg yatung mabilug
miguit pa canita qñg santing na ayus.

Pangayari na pin ning Templong maula
ing Aring Salomon mitatag yang fiesta
ding meto cayarian binang matula la
mal á Procesion ya ing gueyac na.

Qñg quemataya'na Palacio nang David
Arca Testamento carin de dinaquit
maulang procesion alang casimparis
minanga qñg Templo milub at mirantic.

Lintangan dang dalan mialiuang alfombras
at quetang damasco á sari qñg bicas
pengalatanan da masamiung bulaclac
at ding sablang auang ting tela rang gayac.,

Detang labing aduang corong masalpitic
ampon ding musicong matarling á voces
ila ding magcanta, gagale't daralit
nanan la mo uari ding corong Angeles.

Sabian pa ing acbung ali ca miramdam
cañon qñg muralla verso qñg langsanġan
miras ya qñg Templo quine reng agaran
Arca Testamento qñg pórticong uanan.

Queti no mepate animal dang ipus
á tialimang dálan daraun da qñg Dios
lima nomang dálan deta ning corderos
mal á Pontifice ya ing pupunġut.

At macasiclod ya y Salomon naman
pamanalanġi'na qñg Dios á malam
é ya tinalacad queang pitnubayan
angang é meari ing sacrificiong mal.

Iniang mayari na itang sacrificio't
pamacamate ra caretang cordero
manga na ita ning pamag-incensario
ing api ning banua sibli reng mibayu.

Quetang macasadia á guintung lamesa
qñg pórticong caili carin ya sibli ra
at binili re pin ing api ning banua
canitang panlabun á lusue qñg ula.

Inia ping mayari ita ning cafiestan
pitu pin mong aldo ing capitutulan
ting toro't torneo at comedia naman
fuego artificio at pialung pang dactal.

Ning Aring Salomon buyut nang talaga quimbira'nong sabla calútung sidia na sabian pa case dagul ning gugul na ganap nğan ing sabla pablasang Ari ya.

Iniang mayari na ing fiestang mayubu mengabayad no nğan detang sablang tau á pesipagobra quetang mal á Templo diling é tinangap Abner á maestro.

Ding sablang magobra paua lang mirinan qñg salaping bayad qñg carelang pagal bucud na mung Abner ing inipasubalian ding angang abe na carela neng licuan.

Maragul ya lumbe't pamagdalamjati ing maestro Abner qñg Aring mibudñi mabilug nang ucul at isip nang mali ing é na ne dinan bitasa na uari.

Mepilit qñg lub na quea yang dirupan arap na linapit ning Aring gagalang tulutan mu na pung mámun cu nģeni nan maba na pung aldo cacung pangabalam.

Binte nang Salomon qñg bigung y Abner aguiang é mu igcas canacu iguising canacu nang baluan ing yauad mung lijim ning dalamjati mu cacu macainguil.

Qñg balac mu ata é ca bayaranan quecang pamagobra at pagal mung daçal bagu ing sabla nğan cacung cayatinan ibie cu man queca bina pang alangān.

Misdan ya y Abner quetang queang dimdam
qñg guingcas ning Ari qñg asbuc na bingcal
migcamit yang lumbe't pusu na menamdā
ngana libaca'ne qñg lub na daralan.

Ing pisiag ning Ari é ca sa malumbe
at queca cu igcas ing sangca'na't bague
pacatandanan mu at iti yang tune
ing ablas cu't bayad á queca cu ibie.

Nung salapi't guintu ali la matulid
lisia qñg ugali at qñg Banuang laut
at ing cadua queta é mu acuang dantic
quetang asaua mung sadia mung calilip,

Ing binte nang Abner Ari cung gagalang
igcas mu pu guinu ing bague na't sangcan
cacu pung usigan at layun pamintuan
nung icacayap na ning cacung catauan.

Ua, nganing Ari paquiramdaman mu
usigan mu sana ini nang igcas cu.
ampat é marauac at mayap quecao
agpang qñg matulid at quening ucul cu.

Mumuna cung bilin ing ninu mang tau
quecang acatuqui qñg pamanlacad mu
é ca pa-anyaya at uling yang tutu
quecaong casira at capajamac mu.

Pangadua cung bilin é mu papansingān
nanu mang aquit mu ala caong atuan
tatagan mung lub mu't é mu cacalinguan
nung macutang ca man ala cang sasabian.

Ing pangatlu't tauli nu man anti dagul
ing mua mung quimtan misip ca't miucul
sumisi ca man sa ala nang. panaun
nung mipajama'ca lacuas pang maragul. '

Nung iting bilin cung atlung cabagayan
tuparan mung sabla é mu cacalinguan
sacsi que ing Cetro't Coronang pitunġan
nung é ca magcamit quetang tulang dactal.

Mimiguit qñg guintu at lalu qñg pilac
ing taung magcamit qñg ganap á palad
galang qñg ucul mu qñg canacung pisiag
ing é pangaburi queca pamamayad?

Binte na ping Abner qñg Aring gagalang
salamat Ari cu cacu pisiag mu nġan
nanan co ding pilac nung é no capaldan
ning caladua cu ampon ing catauan.

Sablang pigsulit mu at cacu mu utus
paua pung taimtim qñg pusu minlaus
tuparan cung sabla't mausta quening lub
iting atlung bilin tuparan cung lubus.

Ing pisiag ning Ari ilang quecang dalan
ditac á salapi sucacat mung bacalan
qñg quecang pagcabie ba'cang ating gastan
pablasang marayu ulian mung balayan.

E cu na pacaban memu'ne ping meco
qñg Aring Salomon Abner á calulu
miuma'na pang pisiag macainġat cao
ing dasan mung palad qñg ban é mitagcu.

Iniang mituclu ne qñg Tarpes gutad na
pusa'nang salapi agad lang quildas na
at sinalilung ya dalam ning cereza
bayang lángi pauas ampon pang painaua.

Saca ya mengadi ing cayang yayaduan
qñg Guinu tang Dios ampuna'ne't saupan
at miras ya sanang alang langū dit man
quetang asaua na á sinta na't irang.

Acabiusan mu sa nğanang mangamanu
canitang lacuan ca mausta cang mialdo
mangisnauang saldac |Caynan á casi cu!
ala ca sang saquit mabie cang dasan cu.

Oh bandi eu't casi bista't mārayu ya
bigung asaua mung cayabe mung sadia
nung qñg pusu laus quecang pamalsinta
anti cu mo uaring atiu quean queca.

Pamaniabing iti calauc na sindac
cagna'ning lua na qñg mata papatac
maragul ya dine qñg sinta na't liag
uling é la dactal darala'nang pilac.

Abner melaus ne quetang queang lacad
at biltāga na na ing bunduc at gutad
ting adua catau iquit de't atuclas
inagad deng quitnan nung ú ya menibat.

Ing binte nang Abner quean mu pu nģana
manintun pagcabie at apangan sana
nung macanian nģara mipamisan tána
mituqui qñg dālan at miabe-abe pa.

Pequibat nang Abner muna na co guinu
 atin pang dalánan ampon pagsunduan cu
 quinauani na la ding adua catau
 sindu rang lacad da qñg pacsá ra't tunģu.

Qñģ horas á ita á pisip-isip na
 bili'nang Salomon canitang mamun ya
 ninu ya mang tau ing mituqui quea
 ali no usigan quetang aniaya ra.

Ding adua catau ing disan da cabud
 ing sungal á bátis selusua'na agus
 deta mang ubingán quetang queang búlus
 é la miralaquit agad lang mapatlud.

Dinulung no queta nasa rang lumipat
 canģatba nang pampang bátis á inulat
 dálan malacue ya't marayung é palac
 nģara mamunta la ba'lang é lumiuag.

Iniang miras na la libutad ning bátis
 calma ra mo ata at palad dang tiquis
 menģatalabu la ding carelang bitis
 miagnan lang meabual qñģ danum mepulid.

Nung itang y Abner uari't tinuqui ya
 at mequipanusig careta ning adua
 acarame re sa't melumud abe ra
 é no sa miquit man ning queang asaua.

Ing tau pin palang masanting mamintu
 qñģ queang panginuan aral nang mayubu
 é ya mipangānib at manabung tutu
 qñģ silung yumang na tacsil á demonio.

Malagua't salita iniang miuquiat na ya
qñg metung á bunduc quetang taluctuc na
catas na mayubu ala yang capara
sinulung na mu rin ita ning lacad na.

Iniang mituclu ne at miras qñg pátag
ing maniabing tau quea yang amalas
ting ping bale carin dagul na é ditac
magdili-dili ya quea yang amalas.

Itang maquibandi mayap yang lalaqui
caballerong bantug bansag na Aronte
ing catapangá'na casabian ya iti
qñg dauac na asal bucad nang sarili.

Malda na lang tau detang apate na
inia detang bungu calat neng sabana
ing mamamaniabat ya ing dapat na
ding taung daralan samsama'no cualta.

Ing bigung y Abner inia ping miras ne
at pepainaua ya qñg tulid ning bale
atandáua'na ya sucab á Aronte
tinipa ya queta Abner inaus ne.

Masampat á bina asal nang pepaquit
nita ning Aronte caballerong lauit
Abner mepilit ya inagad nang menic
darala'nang pilac licua'na la sulip.

Baquet licuan mu la cang Aronteng pisiag
qñg tucuran eran darala mnng pilac
ding cacung soldados á meco mengubat
nung datang la queti cuanan da la't sucat.

Iqueng sabla queti quequeng caugalian
macamate tau't bandi na samsaman
é ne apanlualu ning ninu ya paman
pablasang bandi mi iti nang carinan.

Abner tinacut ya canitang guingcas na
at layun mengasdan ing isip at lub na
mabilug nang ucul ing pataya'na ya
niti nang Aronte suquib palamara.

E cu na pacaban pepasadiang biglan
quetang lamesa na mayap á pamangan
qñg ba'lang mirungut migtau't quimbiran
ganap pin mong ganap misadiang paughtuan.

Iting Caballero atin yang asaua
niti nang Aronte pamandiria'na ya
lielac de ding búni itang cataua'na
silid na ning bale yang tucnang'na.

Ding aduang mata na bitasa lang bulag
nung é re tairan ali ya milacad
at ing cataua'na lupas ya qñg sugat
inia y Aronte é na ne pigagap.

Ing talaga na't nasa niti nang Aronte
nung uari't y Abner lubus yang dumiri
ó atua'na caya asaua nang casi
agad neng apasan é macapa-ali.

Pangaras na carin lieluc deng inagad
deti nang miasaua ali la bubulad
iniang mabsi na ya tinicdo nia't sucat
at nganang migsulit dactal á salamat.

Quitna'ne y Abner niting caballero
 tabi pu macamal nãanang mengãmanu
 queta ning pamanãan nanu ing iquit mu
 diquil qñg babaing quecatang quesulu.

Pequibat nang Abner canitang Aronte
 qñg cacu pung guinu, ala cung asabi
 nun é ing gracia na ning Dios parati
 á cacanan tamu qñg aldo at bengi.

A pisip-isip na ampon aucul pa
 ning Aring Salomon ing caduang bili'na
 ing ala yang atuan nanu mang aquit na
 at nung cutnan de man ali sasabia'na.

Ing pequibat na pin ali ne lalauan
 babaing quesulu cayabe qñg dulang
 ita ning bili na é cu balung sabian
 carapan que man pu é que pagumasdan.

Pisiag nang amanu yang mecalambut
 qñg lub nang Aronte á binang bugasuc
 quinaul ne y Abner at saca menasbuc
 salamat na nãana catutu cu't irug.

Melambat nang aldo cacung pamagdulap
 á cataung metung munie salang ganap
 qñg isip at lub cung mengãtacpan ulap
 qñg dactal cung sala é sucac paulat.

Sasaque na nãeni bilang atlung pulu
 at anam á banua ining cacung añu
 qñg pangãcristiano mãyayung mãyayu
 ing sinta qñg Dios alayu qñg pusu.

Ing sangea'na niti ing cacung asaua
ibat qñg minunang pamiabe mi na
cari'na migmula ing dactal cung sala
lilung caisipan licung panalala.

Ing ba'lang minatu búni nang catauan
ó sugatan caya ing buri rang sabian
coronado ya man at Aring macamal
patipan queng tambing apasan agaran.

E cu na la sabian at iquit mu na la
bungung pacacálat qñg cacung laghuerta
melagas á bulung ya ing cabas da
á pacaugse mu bunduc ning Arvela.

Ica mu pin ngeni ing minie canacu
lubus pepanaua qñg pilubluban cu
bildug na ca ning Dios ban ituru mu cu
ining cacung asal qñg ba'cung abayu.

Cacu nang gulutan at é cu na daptan
ing licu at ingsil at sadia cung asal
atiu qñg gamat mu pauang menibatan
ing pangaguising na ning pusu't panamdám.

Ing pamisabi ra macaba ping horas
nung uari't lacarán ating aduang horas
é cu na pagsulit salesayan nğang lat
qñg ba'lang é mainip ding mapiang macarap.

Yang pamagcamit na nitang caballero
maragul á gracia pigcalub nang Cristo
menic ya qñg bunduc at mig-ermitaño
meguing dalerayan itang Carpintero.

Inagad nang mete aldo mung mapilan
 itang asaua nang Aronteng macamal
 iya ing mimána heredero bilang
 Abner á calulu sabla nang pibandian.

Ding angang alipan tinipu'na na la
 quea lang inusi iniang muli na ya
 sabian pa case quetang selusuan da
 anti ya mong Aring bayung mig-victoria.

Queang ipangadi qñg carelang lacad
 at iyang yausa'na ing Dios á matas
 ing daralangí'na dasa'no sang mayap
 ding mi-indung adua asaua na't anac.

Qñg lugud na't saup ning Guinung Miglalang
 carin qñg Israel agad yang dinatang
 alang aquilala't, ing ninu't ninu man
 pablasang maluut na panaun dinalan.

Balachalaca'na ning pilubluba'na
 acalingua'na ne ita ning bale ra-
 nung é cu magmali mecad iti ngana
 ing cacung asaua ting Padreng abe na.

Pamatiaua'na ya carin ya qñg dalan
 ing queang asaua sintang pacamalan
 terac ya at dalit saca ne panuman
 ing mesabing Padre at layun pangaulan.

Abner micasbu ya minlungang mua na
 ing capangalaluan tinubu qñg lub na
 nasa neng panican sinta nang asaua
 pati na ing Padre paquitabtab na ya.

Bilin nang Salomon cacu na sinabi
nung ting mang mua cu misip cung sarili
buri mang pamintuan ali mapaliari
ing capangalaluan ya ing mamalili.

At nung ngeni ngana malaus mani'cu
cacu lang apasan dening aduang lilu
nanu cayang miras nanung macua cacu
lalu't é cu balu ing pu'na at sepu.

Mecad ting tinipa bale nang Caynan
at carin ya linual canita ning dalan
niti nang y Abner inagad neng quitnan
capisanan á ita nung nanu ing sangcan.

Tabi ó catutu é sa maguing sala
qng nasang icutang é sa mimumua ca
gnanu uari pu yan maquidaralit pa
at metung yang Padre yang cayabe ra?

Binte na cang Abner maragul pung fiesta
anac neng Caynan báyu yang migmisa
bucud na't sarili cabubugtunga'na
á y Padre Justo ing laguiu't bansag na.

Ita ning Ibpa na ing laguiu na Abner
alayu pu queti atiu Jerusalem
malambat nang aldo panucnang na carin
ing Aring Salomon ing quea minangquin.

Pangasabi niti meabual yang agad
layun migjimate qng labuad misaldac
malda siclulu re at saca re biuat
ala neng inaua qng ucul da ding lat.

Iniang mimasmas ne at misublia'neng lub
iting migjimate mequibat ya cabud
canitang quitna'na minie ya ping lugud
pisiag na salamat catutu cu't irug.

Acu pin mo n̄gana acung maqui-anac
at acu y Abner Carpinterong jamac
acung asaua na acung queang liag
Caynan á bie cu sulu cung macaslag.

Qñg anti canitang queang pamaniabi
agad neng quilala asaua nang casi
detang taung dactal iquit da n̄gang tune
linapit lang sabla lalaqui't babay.

Tinaid neng Caynan ita ning anac na
á y Padre Justo á bayung migmisa
n̄ga'tana bungsu cu salubun̄gan ta ya
ing tune mung ibpa á cacung asaua.

Pangaras da carin micau'lang agad
Abner at Caynan tula ra é ditac
sabian pa case pamipasalamat
miuman la pang miquit ding misisimpalad.

Y Padre Justo naman linapit yang tambing
inuma ne gamat ibpa nang y Abner
at saca y Abner minuma ya mu rin
gamat ning anac na uli na ning Orden.

Queti na migmula guisan selita na
ing pagal nang Abner lasang delana'na
quetang Plus Sanctorum carin sinulat da
deta ning Doctores pauang mangabiase.

Ique cu pa naman quetang Padre Justo
 guinayac ya Roma carin painturu
 talagang payampun qñg Santo Concillo
 sebat de qñg dalan ding dactal á moro

Nanu ing dapta'na magsasarili ya
 quetang queraclan da campung nang Mahoma
 agad dong guinapus ding gamat bitis na
 saca re penandus anga qñg mete ya.

Ya ing querasa'na ning calulung Mártir
 pete re ding moros á lilu at tacsil
 tularan ta ya sa't quea marlayan pin
 qñg cababan á lub carin tamu minguil.

Canacung ibalic at isubli naman
 qñg Aring Salomon qñg bie nang delanan
 caring angang Ari ala yang carlayan
 qñg banding quimta'na ampon qñg cabiasnan.

Inia pin daca'la detang asaua na
 bilang pitung dalan ding meyaus Reyna
 atlu no mang dalan bansag concobina
 ing sablang bilang da ganap ping libu la.

Ita pang balita á biasa't maisip
 bansag Reyna Saba á alang caparis
 qñg Oriente ibat Salomon maquiquit
 carbungcu la't mutia darala na't bitbit.

At mialiuang batu á sari camalan
 diamante at rubí saca pa alporfar
 ampon esmeralda á sari camalan
 yain cang Salomon ing sinta yang sangcan.

Pamasalamat na qñg Reynang pañatang
tula na maragul queang selubungan
ita ning qñg Ari santing na't cayapan
Reyna cang Salomon macanian mu naman.

Miniabi yang Reyna ó Aring maramla
ing bague na't sangcan cacung pamagsaria
nasa cu ing malbe ala ping aliua
qñg quecang Palacio't qñg Templong balita.

Binte nang Snlomon macamal á Reyna
tula cu maragul queti migsundu ca
at pamagsaria mung pamamie mung honra
puri cu mebina qñg ácaquit queca.

Agua mang é tampa qñg linang mu't cayap
queting depatan cung buri mung amalas
nã'tana lauan do mata mung mapalad
mipuri na cu sa't bista't é man dapat

Munang inalbia'na qñg Templu ya linub
linaue nang sabla ing lual na at quilub
ing Reynang maraᅇal migmulalang lubus
saca ing Palacio ing tiqui na cabud.

Detang libung silid pauang iquit na la
lepita'na la pin miliuasliuas la
meguing carinan da ding queang asaua
tianaman lang Dama bucuᅇ pa ding criada.

Deti nang carinan santing da é mu dit
quelupcupan guintu ita ning paderes
pati na salamin quetang corredores
pilac lang auang da detang sablang silid.

Patitingapun pin ing pamagpacial da
careta ning porlon tungaltungalan la
ing imalanan da ala lang calupa
uling ing mumutus pablasang Ari ya.

Saca la melaus canita ning siduan
qñg salas ning Ari estradong carinan
ing pecatabla na malino ping cristal
lacad nang Salomon macalaue lalam.

Canitang salamin iquit no't amalas
señales ning Reyna qñg babo nang puad
ila ding iquit na lijim nang sisicap
atlu la ping bulbul á mayubu bicas.

Ing metung pilac ya cadua ya ing guintu
catlu yang tumbaga qñg puad tinubu
pamagumasid na ning qñg Aring añu
niti nan mong Reyna anti nang é balu.

Queang pagumasdan niting Reyna Saba
ning Aring Salomon mibayung bili na
muna ya't paitauli qñg pamanlacad da
ita ning salamin yang lalaua'na.

Queti na á isip queang quepajamac
detang lilijim na lubus nong amalas
ding atlung bulbul na queta babo puad
aquilala na la at iquit no nğan lat.

Dapat ya pin nğana sucat ibalita
ing Aring Salomon qñg meto masala
cabrasna'na sacdal catas na acala
lijim cung sisinup iquit nong mausta.

Carin qñg estrado melaus lang tambing
 é sucat pasabi itang queang santing
 detang sablang silla lelican lang garing
 telang micasampat qñg pasbul ing tabing

Quitang nang Salomon qñg mal á Reyna
 nanung ipintas mu qñg iquit mu nãana
 ing queang pequibat bitasang ala na
 miguit qñg balita ing iquit ding mata.

Bina lang mapalad sabla mung vasallo
 nãaning Reyna Saba cang Salomon sabio
 pati na ding taung malapit quecao
 carelang acaquit sablang depatan mu.

Marangal* á Reyna utang cung matuyag
 cacu pamamuri queang quecang pisiag
 yatu idaun man é pa ata sucat
 pamamie mung honra ing queca ibayad.

Nanu ya mo caya nãaning Reyna Saba
 á quecang inari aniu mung parala
 nasang talastasan nãeni mu rin sana
 mecad talimjaga buring abalu ya.

Nãana mong Salomon ali talimjaga
 qñg sias ning pusu mamalimbaua
 nanu caya ita ibalaus¹ me sa
 uling ing pusu cu masasdan yang bina.

Castillong meari ya ing yain cu
 cuta neng matibe ning pilubluban cu
 iti ya ing nasa queca idaun cu
 ning Aring Salomon tune alipan mu.

Ing pangatutu na niting cacung gagcas
 anting talimjaga sabi mung inulat
 careta ning criados inutus nang agad
 ilual de qñg silid castillong masampat.

Castillo miras ya qñg Reynang arapan
 misdan at tiniguil queang pilubluban
 ala ya pang iquit á bague macanian
 qñg pangagaua na lubus nang cayapan.

Ating atlu cabpa quetang queang catas
 á lubus nğang guintu ing santing na ganap
 paua lang diamante detang peca-iyas
 ali me alaue macailo yang tapat.

At mialiuang batung binang maulaga
 canitang castillo deta ning sangcap da
 deta ning cañones paua lang tumbaga
 pati na ding auang ampon ding tacap da.

Qñg babo na't lalam malda lang soldado
 canita ning bibu á tumbagang puru
 banderang pinitpit guintu ya ping finu
 at qñg libutad na diamanteng cordero

Canitang babo na castillong mipasiag
 ting metung á tronq á sacdal qñg sampat
 macalucluc carin ing legua'na ganap
 macamal yang Reynang macasalbag á buac.

Adua lang carbungco ding queang tutucluan
 qñg pangalucluc na canitang catasan
 at ing Reynang iti queang sisiclauran
 ning metung á Ari ting Coronang talan.

Ing tela-banua na quetang dāne matas
ting diamanteng aldo carin macasicat
cangātba na lele ting namang macaslag
metung yang carbungco á mebina quislap.

Reyna amasid ne iti nang castillo
pamagmulala na é mu mamageanu
nḡana cang Salomon salamat quecao
at queti ala nang ipintas ding tau.

Matú caniti nan metung man ala na
aguiang qḡg alaga at pangarapat na
ing meguung mali nang iquit da ding mata
qḡg babaing metung Ari siniclod ya.

At é ne man sucut quea yang daunan
Aring mag-Corona maqui Cetrong talan
macatalacad la dapat careti nau
at mitalan gamat anti mong cacasal.

Alang caculanḡan caniting castillo
nun é Pari nia mung magdedesposado
macatalacad la ing gauan á báyu
carin ya miganap ing cayap nang tutu.

➤ Binte nang Salomon quening cauculan
cacung pepabili bitasang ganap nḡan
nung quea'ning lub mu é mu pamayapan
qḡg nasa mu't buri ica nang usigan.

Pepayaus na la alang liuag-liuag
ding sablang platero á queang alagad
tambing nang inutus ibayu rong agad
ding atlung larauan alang liuag-liuag.